

宋本禮記卷八十三

聖宋名賢五百家播芳大全文粹卷八十三

祝文  
祝詞家祈禱祭祀

明堂大禮冊文

○○○昊天上帝

汪彥章

嗣天子臣某敢昭告於昊天上帝伏以明明在上臨  
照四方惟我邦家夙膺景命世脩禋類猥及冲人祇  
見合宮敢忘其舊謹以玉帛犧齊粢盛庶品肅恭禋  
祀式展誠敬太祖啓運立極英武睿文神德聖功至  
明大孝皇帝太宗至仁應道神功聖德文武睿烈大  
明廣孝——皇帝配神作主尚饗

皇地祇

禮記卷之九

伏以肇禋明堂享帝之盛於赫厚載與天同尊二儀  
合祛厥有常典敢罄齊粟用祈顧歆謹以玉帛犧齊  
粢盛庶品肅恭禋祀式展誠欽太祖啓運立極英武  
至明大孝皇帝太宗至仁應道神功聖德  
睿文神德聖功文武睿烈大明廣孝皇帝配神作  
主尚饗

太廟

伏以維德不類嗣承明禋乃涓剛辰祇見上帝燕及  
宗禩垂休亡極謹以嘉玉量幣柔毛羽鬣明粢薌合  
薌其嘉蔬嘉薦清酌式陳明薦尚饗

太祖太宗

伏以於皇祖宗肇有四海涉配上<sup>帝</sup>百年於茲眇然  
冲人嗣主茲祭報以崇極舊章敢忘謹以制幣犧齊  
粢盛肅恭薦明侑神主尚享

明堂大禮奏告諸陵宗廟祝文汪彥章

伏以自頃郊見復茲歲臨將擇季秋之辰恭惟重屋  
之祝

明堂大禮奏告太祖太宗祝文汪彥章

伏以比蠲剛日恭致嚴禋昭五室之禋容輯兩朝之  
靈貺禮有登配神所顧歆爰<sup>饗</sup>禫孝<sup>饗</sup>式舉累朝之典  
不敢不告

大禮畢恭謝景靈宮諸殿神御祝文 汪彥章  
伏以比即崇筵具陳嘉玉幸高穹之顧答知景祚之  
靈長坐格熙成寶詒燕翼敢懋菲涼之質永承錫羨  
之休

改元奏告天地社稷諸宮觀祝文 汪彥章

比以薦更大故思靖羣生乃即復端之辰博稽居正  
之義疏恩肆眚易號冠元尚祈降鑒之明克集係隆  
之慶

太后受冊祭告祝文

蘇東坡

祇事親闈庶幾孝治配德祖考既務極於推崇篤生

眇冲豈敢忘於褒顯將奉寶冊率循舊章涓日甚良  
先期已告

公主下嫁祭告祝文

汪彥章

天屬至親王姬貴胄爰卜國婚之吉茲逢后族之良  
車服有輝將成夫婦之教著龜咸喜爰知祖宗之心  
謹以良辰申茲吉禮

后稷氏祝文

葛謙白

惟神帝武赫靈覃訐稟質教民粒食民以弗飢月臨  
嘉平土反其宅司嗇之祀敢効吉蠲

大明祝文

葛謙白

惟神著明垂象寶卷八十三宗衆三先耀廣輪功烜庶物今成臘屆保百穀順成上憲依耆禮有常報

神農氏祝文

葛侍郎

惟帝神龍感孕瑞火名官斲棟之功垂憲億代今歲將道盡聚物蒙饗其敢乏先農之祀

歲星祝文

葛謙白

惟神著象圖清騰光下土安靜中度為時之祥赤黃而沈農扈告念國有儲峙擊神之休

修前殿告祭祝文

歐陽永叔

神游所格秘寢有嚴役事時興方勤於締葺后祇安靜頗懼於震驚菲薦式陳明靈昭鑒

繕治禁河祭告河神祝文

天子以別都之重原廟之嚴而宮闕未崇制度多略

既勅有司以時繕治矣然山高谷深水所不至故園囿池沼之大灌溉滌濯之用綆挽缶汲不足以濟乃者吏嘗架河膚引金水屢作屢輟績用弗成今奉詔旨疏渠於七里之川役不淹時功用克立謹涓元日達此新溝惟神之靈寶相帝祉濬導之始敢不昭告

太一宮修殿祭告祝文

蘇陳瞻

於穆祠宮有嚴春祀吏以時而按視工揆日以修完庶就潔新永綏靈御仰祈昭鑒大庇含生

洛陽天津橋導水祝文

竹隱畸士

洛陽天子之別都宮闕在焉而馳道之衝梁毀弗治

吏既失職民以病涉其實奉詔典司役事屬徒數滿興作累月而雨潦弗作癘疾莫興是神之有大賜於茲役也今梁既克建工用告成謹導大川於此穀旦伏願沛然就下陰賜護持顯揚善利之靈祇若大君之命亦有幣帛菜盛以永事神不怠

洛陽天津橋成導水祭神妃祝文 竹隱畸士

自江河淮濟以達於海凡水暨之所神輒董司之朝廷所以屢進封爵而褒顯神之功德者可謂備至矣豈不以利澤之及於物者廣且博與今洛水貫於西都而天津之梁跨立其上工既成矣方將導川而東之吏則不敏弗能稱職意者非神之威靈有以陰相而默助之殆且莫之託也敢涓告辰先事以告維神降格寶顧歆之

太廟繕治祭告祝文

蘇子由

廟室久安霖雨乘隙飭工繕治運日告虔棟宇益堅感無疎

繕治禁河祭告河神祝文 竹隱畸士

洛川之陽芒山之麓宮闕在焉地既積高水則弗至而苑囿池沼之大灌溉滌濯之用凡所以奉至尊共朝夕者無所仰給吏用是懼之距城之七里寔得美

泉方將繕——治隄防溝而納之禁中此神之職所  
宜聞也。事之始不敢不告。

景靈宮修水渠祝文

蘇子由

靈宇邃嚴周渠捍宥有司繕故以時易新既命涓辰  
敢告經始

脩諸壇告祭祝文

壇壝之嚴神明所格以時脩舊式叶藝儀涓此吉辰  
用申昭告

洛陽橋成導水祭洛神祝文 竹隱畸士

昔者禹得九疇肇自龜書周人定鼎卜惟洛食天下  
名山大川之神助國者蓋亦多矣然帝王之興洛輒  
預有符焉神寶司之可謂盛矣今宮闕居其陽馳道  
出其上某奉詔旨為梁以濟賴神之休既克有成方  
且導川而東之謹涓吉辰先事以告伏願弭節安行  
波恬不興毋作怒流以順帝命則神亦有無窮之聞  
顧不韙歟

上清宮成詔告諸廟祝文

蘇轍

上清儲祥宮成敷宥四海均福於下有詔守臣凡在  
秩祀罔不祇薦惟神導和却疹保民無彊以稱朝廷  
至仁之意

脩城門告祭祝文

宋子京

國塗南出城闔闔內嚴將屬烟燔煙稍加脩飾市累不集  
穿築為傾仰冀靈休助竣役事

脩殿門告祭祝文

宋子京

比儻庶工聿新嚴闔日無淹久績乃雖成上棟有初  
繫擊臯云息俾陳令薦以荅潛休

陵山一路告祭祝文

楊大年

太宗皇帝龜落開符龍輶戒道仰秦鑿之遺廟陳周  
禮之樽彝用昭格於神明蓋聿脩於彝典恭維正直  
俯鑒吉蠲蠲祇宮興沆汾水登遐驅八翼以啓行

廟獨雙鳩之舊壤瞻龍顏其如在顧蚤輅以難留謹用

苾芬以求盼饗厄井

脫屣人寰遺弓遷路爰屬因山之禮用脩假道之宜  
仰惟窈窕之容俯鑒馨香之奠左夫人

鑄鼎功成夢齡數迫畢陌之笳簫載咽錫之弓劍

有期式瞻廟食之靈恭展德馨之奠救拔山神

厭世上仙因山啓卜儼塗芻而成列奉寔宥之有期

爰假道於嚴祠輒薦誠於薄酌右夫人

龍鑣上漢鳳翼戒塗爰陳埽地之至誠用告拔山之

英魄仰惟如在俯鑒惟精大力

飛名帝籙釋負人寰立堂將瘞於衣冠清祀式陳於  
醮筭度脩彝典俯鑒丹誠五通

運屬冥升灾興夕駕祀國動崩天之威橋山當復土  
之期式瞻西伯之嚴祠近在東周之舊壤恭陳清酌  
周告明神周文王

攀髯不駐復斧云歸儼天仗以徐行指虹橋而徑度  
聿陳薄酌用告明靈金鑿  
乘雲不返同軌有期儼龍馭以飛行指虹梁而利澤步  
聿修祀事式薦明禋任店

安御容祝文

歐陽永叔

宗廟之禮是為典彝衣冠以游寶有故事載嚴寶構  
以奉威靈涓吉月以有初庶真馭之斯格

遷御容祝文

蘇子由

終南積高神明是宅仙廟夙設容御攸存屬當圖新  
敢忘遷寓少祈安妥旋復故常

安御容祝文

歐陽永叔

雨水為災殿塗增緝亦既新於叢構庶來復於真游  
爰揆靈長冀茲安妥緬為慈佑丕鑒乃成

安御容祝文

蘇東坡

于皇在天丕冒下土矧此山陵之近顧瞻兩都宅於

嵩洛之間上聯五聖有嚴淨宇祇奉粹顏願追梵釋  
之游永答人天之望

安御容祝文

蘇轍

唐虞稽古雖絕名言文武重光已新崇叢構下慰華夷  
之望仰慕天日之容將住宅於靈宮永懷攀慕願少  
安於祕殿庶盡瞻依

郊禮赦書告祭百神祝文

竹隱畸士

皇帝陛下親政之五年民人協和天地並况符璽自  
出厲裁不興涓選元辰躬奉郊祀被甲子詔書凡郡  
國山川百神之在令典者吏趣潔齊具荐嘉旨惟神  
顯德寔佑斯民其敢不虔肅致明祀益廣惠澤以稱  
我——天子之休命

德音告祭諸廟祝文

竹隱畸士

皇帝仁聖敬恭明神勤勞萬機比爽和豫明詔惻怛  
惠寬因辜申命於有司嚴舉祀事惟神昨國導迎喜  
氣佑我元后亟臻平康俾我永永承事不怠神亦與  
有無窮之休

登極赦書諸廟祝文

皇帝聖德克堪對天惟新陟王昇付畀重器初以冕服  
臨見羣臣天人和同不約共慶被庚子詔書凡名山

大川與諸廟食之神勅吏以<sub>時</sub>成秩祀事肆用諏日  
薦陳犧牲神其燕歆相我后以永天之命

德音祈福祝文

天以聖母用綏定我國家今功業方凝內外禔福乃  
降災疹以弗康於寢興 皇帝孝恭肆用齋粟祇懼  
不受牲幣以偏請於群神惟帝神降衷右我文母蠲  
去藥石亟臻瘳瘳則惟帝神之靈其曷敢不報

北岳祈福祝文

惟我文母擁佑聖皇勤勞邦家功在社稷爽於夙宵  
上用祇懼勅遣守吏潔齋以祈願錫祉福亟臻平康

俾我聖皇供養不怠我亦以幣與牲俟帝休命

被詔告諸廟祝文

惟聖御極立愛惟親明靈所依罔不欽奉肇造寶宇  
以宣列聖之神祖宗顧懷報以景福明詔祇粟弗敢  
以專申命有司咸秩祀事具薦豐潔神其鑒之

赦後祭告諸廟祝文

蘇叔黨

恭惟 主上欽崇天道敷佑下民躬薦徽稱以嚴上  
帝沛鴻恩<sub>以</sub>率土秩元祀於百神乃眷明靈寔參化  
育名紀載籍功冒黎元冀昭鑒於德音益導迎於和  
氣均播厥福永享於休

日食祈禱祝文

蘇子瞻

嗚呼日官底日實昭天戒正陽之朔將有薄食上心震惻側身脩德誕布休命赦宥多僻凡在祀典固不成秩惟神聰明照鑒誠忱消復大肯迎導和氣俾我有邦享天之衷民物康阜以永保神之休無斁

星變祈禱祝文

邵澤民

今天子嚴恭寅畏奉若天道邇者星文變異實軫聖心乃下哀痛之詔出罪己之言澤及萬方以恪天之明命又俾郡邑使凡秩於典祀之神咸往告焉惟神聰明正直同國休戚其導迎和氣消彌妖祥慰我

天子厥報無爽

赦後省賽祝文

秦少游

祇奉綸音徧脩羣祀導迎善氣加惠元元敢不恭進酒牲備嚴薦獻以承休命神其鑒之

德音改元祭告祝文

毛伯穎

皇矣上帝方隆申命之符古之明王咸有禦災之術恭惟一睿主再造宏基將祗迓於天休迺載新於年紀赦過宥罪而與民更始潔粢豐盛而靡神不宗惟爾<sup>明靈</sup>茲信順五兵不試盡消<sup>寇</sup>竊之憂百穀用成茂介烝黎之福

赦後祭群神文

真王紹統覃慶萬方若時明神悉均渥澤神其顧享  
密相皇家使四夷咸賓盜賊不作年穀屢登則豈特  
斯人之幸雖神之祀亦將與國無窮神之聽之母辱  
君賜

赦後祭群神文

來復一陽郊見天地晏溫澄霽盛節用成若時百靈  
寔燕寔相四均渥澤並舉常祠神其顧歆益揚乃職  
佐佑萬乘永享王室之休無負聖君之寵

生皇太子祭群神文

炎宋中興本支百世若時元子育慶椒塗爰沛湛恩  
誕均幽顯惟神陰相簡在帝心牲醴必芬庸示昭報  
神其欽止勿替前休

出師告廟祝文

邵公濟

狡虜怙強違天逆理窮兵六月流毒四方某備位戎  
闕義當報國蓋敵加而后應冀師出而有功伏願神  
聰俯垂陰佑用克彰於靈應俾盡埽於妖氛倘遂感通  
感敢忘報事

獲賊告裕陵祝文

蘇子瞻

大獮獲擒必有指縱之自豐年高廩孰知耘耔之勞

憬彼西戎古稱右臂自嘉祐末木征擾邊至熙寧中  
薰氊方命於赫聖考恭行天誅非貪尺寸之疆蓋為  
民除蟲賊遂建長久之策不以賊遺子孫而西蕃首  
領鬼章首犯南川北連拓拔申命諸將擇利而行旋  
聞偏師無往不克吏士用命爭酬未報之恩聖靈在  
天難逃不漏之網已於八月戊戌生獲鬼章頡利成  
擒初無渭水之恥郵支授首聊報谷吉之寃謹當推  
本聖心益脩戎略務在服近而來遠期於偃革以息

民仰

奠威靈曲垂昭鑒  
謂宣祭饗辭

謁宣聖祝文

張欽夫

某以愚陋被命臨民早夜恐懼未知所濟惟當精思  
聖經之法言體而行之庶幾萬有一獲寡於罪悔視  
事之始敢祇見於學宮

新學落成祭先聖祝文

張欽夫

伏惟廟學新成謹率僚吏與饗之士行釋菜禮敢不  
稽首再拜思所以祇告明訓

奉安先聖祝文

張欽夫

茲新棟宇亦既告成敬奉神像即安於宮敢告

謁先聖祝文

張欽夫

某恭承皇命來守遐藩視事之初祇見於廟為政之

方備嚴經訓雖日不敏敢不夙夜敬思力行庶萬有一獲

謁先聖先師祝文

張欽夫

某以承學濫茲為邦視事之初祇見於廟佩居敬行簡之言推學道愛人之志雖日不敏敢不夙夜庶幾萬一

祭先師祝文

張欽夫

伏以廟學新成謹率僚吏與饗之士釋菜於先聖敢以先師鄒兗國公配

辭先聖祝文

竹隱畸士

某猥以諸生攝官承乏政也無良而歲則大有獲免

罪戾適及<sup>其</sup>期年蒙恩還朝其敢不告

謁先聖祝文

秦少游

惟<sup>王</sup>夫子道備天人功崇列聖大成既集六藝斯明內聖外王所同憲法山川鳥獸亦裕如萬世尊親天下通祀惟時士子生逢休<sup>明</sup>命讀玩棄餘作為藝業有司論定天澤遂覃推本所從實王茫貺敢涓時日薦見廟廷

謁先聖祝文

秦少游

郡守被命於朝既至治所則必告於境內之明神禮也矧惟宣聖實我儒祖薦見之禮敢後羣祠是率僚屬爰及士子恭趨於庭以執祀事

謁先師祝文

秦少游

惟公聖師所鑄號古哲人凜然高風聞者為起諸生  
敏求不覺累年依憑餘光以得名宦時方尚德進爵  
既崇祭重報先敢忘大賜祠以薄饌公其鑒之

謁夫子廟祝文

趙德莊

古者有大政事必出於學今亡矣特以養士而已然  
郡邑之吏始至者必先見於先——聖先師越三日又  
見焉然後退而從政示人有所本也某不佞而學者  
徒也其敢叛去以不循其本尚饗

鄉飲釋奠夫子廟祝文

趙德莊

洪惟——聖王丕闡文教揆時制宜有合於鄉校肆我  
附庸欽率令典齒德在次爵洗在榮毋敢慢爭以瀆  
五行一獻之禮因先厥誠

辭夫子廟祝文

趙德莊

某不佞獲從卿大夫士釋菜奠飲於——先聖先師之  
宮蓋三春且秋矣內不及己外不及民先友漆雕開  
之所畏也而某蹈之雖幸而免其穎泚如朝聞夕死  
尚鞭其後敢昧昧以拜

辭學祝文

趙德莊

不量學力妄意為人名虛祿浮禍疾游作知難而去

神鑒所臨尚抱遺經以全晚節

謁先聖祝文

趙德莊

歲比不登民食二鬴天子憂之申命老臣以脩荒政  
惟先聖有言不患寡患不均不患貧而患不安其寡  
敢不思所以均而安之者以無忘先聖之訓而奉  
天子之詔其尚克鑒之

謁先聖祝文

葛謙白

某嘗聞之——夫子曰君子學道則愛人未嘗不書諸  
紳也今天子不以某不肖使藩於江城其敢不事茲  
語以施於有政尚享

謁先聖祝文

汪彥章

某奮自諸生蒙聖恩移守此土視事之初祇謁廟下  
誓行所學以臨其民雖在軍旅敢廢俎豆尚享

祭宣聖祝文

崔德符

宗周之晚道術既分諸子相騰邪說紛揉惟王德高  
將聖道——極大成煥焉垂世之書永作生民之範某  
搢衣詣席早預諸生擁笏造朝晚登仕版介居江國  
亦領縣章式謹藝儀肆陳薄饌

祭十哲祝文

崔德符

猗歟夫子道冠羣倫諸生三千周旋天下惟神或譽

高入室或名著升堂卓然羣弟子間迥處十人之列  
被服真儒之道優游名世之賢國有藝章歲修祀事

祭兩廊諸子祝文

崔德符

在昔晚周異端並起繫我——先聖闡揚道真維神或  
親見於當年或相望於異世賢咸能服膺夫子之道高  
踐聖人之門垂千百年著見方冊功名存義報有常典

謁先聖祝文

朱元晦

某早以諸生推擇為吏中朝遭疾病即退邱園乃得其  
耕耨之餘日伏讀先聖先師之遺書夜思晝行不敢  
以昧陋自棄者二十餘年於此矣蒙聖恩假守

郡懇辭不獲輿曳而來疇昔所聞庶幾小試蒲柳之質  
哀不待年憤眊支離已深不夢之歎大懼弗稱以辱  
君師祇事之初敢以誠告惟先聖先師之靈寶鑒其  
衷使幸不獲罪於其民而蚤遂歸田里以終故業則  
某不勝幸甚

祭文宣王祝文

某誦先聖之言於百世之後尊先聖之道於千歲之  
前志存於道紳書其言四惡惟屏五美是尊庶幾治政  
——以臨其民某叨受朝寄俾守方面祇見於學敢遵

常典

辭文宣王祝文

某祇受朝——命來守茲土誦夫子之言行夫子之道尊美屏惡居敬行簡以施於政以臨其民知自勉而已茲緣申命領計東南去此有日敢不致恭宇下伏惟尚享

謁文宣王祝文

某本以諸生起家為吏蒙恩之誤承乏此邦既有民人又有社稷學優則仕雖有愧於格言寬以愛民其敢忘於——聖訓蒞事之始敢不祇見

辭宣聖祝文

黃秦之

某少而知學以飾章繪句為餘習凡——先聖之訓可推而行者服念惟謹脩員試郡他不遑務日孜孜於學道愛人之規持之而固措之而宜力政成寵加不敢以為榮而祇懼惟不負之學自此願益加勉焉

祭先聖祝文

王介甫

惟王之道內則妙萬物而外則師王者為緒餘於一時而鼓舞於萬世學者範圍於覆燾之中而不足以酬高厚之德今與諸生釋奠而不敢後者茲學校之儀而興其所以愛禮之意也

祭先師祝文

王介甫

外物不足以動心而樂者可謂知性矣然後用舍之際始可以語命而三千之徒聖人獨以公○預此所以學校有釋奠之事而以公配享焉

四月二十日觀陳石頭演劇歸校畢此卷

聖宋名賢五百家播芳大全文粹卷八十三

宋本挖改為七十四

聖宋名賢五百家播芳大全文粹卷八十四

祝 諷

謁諸廟祝文

張欽夫

某被天子命來守此邦靖共爾位正直是與顧雖不敏敢不敬斯言惟神寔鑒臨之

謁社壇祝文

張欽夫

某恭承——皇命來守遐藩視事之初祇見壇壝惟神克相惠綏此民政有乖戾罰止某身

謁諸廟祝文

朱元晦

某抱病田間不堪為吏久矣聖天子哀憐不忍終棄

強昇符竹使為此邦輿電而來亦既視事以哀耗罷  
軟之資當民貧財匱之際大懼曠闕無以克當明恩  
惟神受職於朝廷以食茲土其與命吏憂則惟均其  
亦有以相之使民安於下官給於上而某也蚤得收  
其疾病之軀以歸老故邱則神之賜大矣歟謁之初  
敢以誠告他不敢以有所祈謹告

謁諸廟祝文

汪彥章

某奉—天子之命來殿此邦與神分職幽明均保疆  
域下車之始敢以虔告惟神陰相之使枹鼓不鳴雨  
暘時若非特吏逃其責而神亦廟食無愧尚享

謁社稷祝文

汪彥章

國家當艱難用武之秋擇循良宣化之吏不以某之  
不肖使守此邦撫其人民而事其社稷大懼迂愚無  
以報稱惟神降釐下土秩祀萬世使雨暘以時疾癘  
不作而守亦預有榮焉尚饗

謁廟祝文

竹隱畸士

天子不以某為愚付之以八州二十縣之眈臨遣於  
朝使長治之凡人之所恃以蒙福吏之所仰而受賜  
者皆當早夜奉祀以為民休視事之始敢不敬見

謁廟祝文

竹隱畸士

持才力生

某被命於朝來守茲土仰惟前烈遺愛具存平生所貴師其在今日雖則不敏敢不夙夜蒞事之始神其監之

謁諸廟祝文

趙德莊

凡天子郡邑帝以神而君以吏非使之食斯土咸以為民也然神嘗聰明正直而吏不能皆賢故民欽事神久而益信而有時乎患苦吏之不速去也某不佞不能賢何以使民不患苦而欲去哉神實尚相之尚享

謁城隍祝文

葛謙白

某承乏守土惟城是依使城之無虞惟神是賴則蒞政之始其敢怠於神而不以告乎尚享

謁東岳廟文

秦少游

惟神望秩岱宗實掌群岳有嚴別廟在於此邦守土之臣既見民吏敢羞牲酒進見於庭

謁城隍廟祝文

秦少游

淮西古城形若重甃帶以汝水生齒日繁惟神廟食此土芘貺一方敢致酒牲用嚴薦見躬趨于庭疇敢後事

經過成惠廟祝文

黃秦之

某去臘之官便道款謁今叨召命復出祠下自往而還由老及幼莫不席庇休而沐潤澤酌酒薦牲誠未足以答靈貺之萬一軌之於無虞翼之於成惟王

實宏茲賜

辭廟祝文

竹隱畸士

某承乏守土適及暮年政也無良而歲則大有獲免  
罪戾神實賜之蒙恩還朝其敢不告

辭平江廟祝文

某守茲南土賦政不優沐神之澤日蒙其休茲緣申  
命總計外司去此有日祇見神祠

辭諸廟祝文

趙德莊

某猥以政學於茲三年行實不脩俗弊而莫之化也財  
用不充民貧而莫之緩也水旱流行有以為神羞而牲

酒瘠酸無以為神報也不罪不疾登茲解歸敢不重拜

辭廟祝文

趙德莊

行義不振無以事神以病弓閑歸老邱壑某不孝之  
責粗塞而人之仰神無窮尚俾斯民永依正直

辭靈著王祝文

黃泰之

惟王功盖一世澤流萬代凡厥生人舉蒙休<sub>麻</sub>比某承  
乏此邦睇<sub>道</sub>像而<sub>適</sub>靈光禱祈必應提於影響凡安  
於身昌於家善於<sub>其政</sub>身皆王之賜也其行也敢不以告

辭諸廟祝文

竹隱畸士

某承乏守土於茲累年賴神之休穀麥屢稔寇虜不

作民用樂康今復蒙恩更命於魏凡平昔耳目所接尚猶未懷也况於承庇之久而受賜之多者與茶造祠宇惟用讖告

辭廟祝文

竹隱畸士

某承乏於此八年疆場晏安年穀和熟繫神之力獲免於戾祭奉被詔旨護河以東屬當有行敢不恭告

祭謁先聖先賢祭舜祠祝文

張欽夫

某謹以牲醴致祭於虞舜之祠惟斯民之所以生斯世之所以立繫人倫之教是賴而聖人寔人倫之至也帝之盛德冠冕萬代固豈下臣所敢贊述蒼梧之

野謂帝嘗臨寅緣此邦獲奉廟祝某蒞官之初適脩常事周視棟宇缺壞弗稱棟粟汗下不敢違寧肇新規摹茲焉獲考敬率官僚俯伏以告惟帝之澤化育並行動植蒙賴何有窮極敢云此邦獨私其賜

祭百虞氏二妃祝文

張欽夫

惟神唐帝之女嬪於有虞協德聖神垂則萬代新宮肇建內閭是嚴脩祠於春敢率彝典

祭蜀漢昭烈帝祝文

張欽夫

惟帝痛宗國之荒墜憤仇賊之憑陵顛沛百罹信義不舍至於賢哲願為之佐英雄樂效其死規摹宏遠

夫豈偶然天若祚漢豈其無成雖曰不終正理昌胤  
眷言茲地昔所逢回夙烈猶存熹蒿悽愴有朝以  
— 祀典禮則宜藩臣經從敢不敬脩

謁嚴子陵祝文

張欽夫

某以愚陋被命來守此邦竊仰先生高風於千載之  
上視事之始恨拘印綬不得躬走祠下敬遣某官往致一奠

祭寇忠愍公祝文

張欽夫

丞相萊國寇忠愍公國有大議發言盈庭紛紛鄙夫  
感縮經營豈國之愛惟謀厥身從違之間興喪所分  
不有英哲孰相其成一言之決九鼎莫傾允矣萊公

社稷之臣定計澶淵功垂日星匪功之艱其見克明  
惟見之獨勇莫敢嬰黃蓋一張虜胆已醒是曰廟勝  
豈幸之云彼殲雖巧寧屈其伸是非之公久焉一新  
藁爾茲邑公所嘗臨民之愛公孔悲以忱有前者竹  
為公發生我來拜公起而涕零才難道遠孰起九原  
何以昭之不在斯文

謁三公堂祝文

張欽夫

敢昭告於諫議田公文正范公清獻趙公某被命—來  
守此拜稽諸圖牒惟三公之遺風流澤在焉高山仰止拳  
拳此心敢不自勉庶幾萬一視事之始敢薦薄奠

謁故中侍太尉長沙陶威公文朱元晦

某猥承人乏假守此邦祇事之初以禮見於先聖先師而視其學則有公之遺祠在焉惟公忠順勤勞機神明鑒歿而不朽食此江墳其亦有以相之使民安於下官給於上而某也早得收其疾病之軀以幸免娑娑之歎則公之賜大矣款謁之初敢以誠告

謁元祐禮部尚書李公文 朱元晦

仰惟壯節高風夙所欽慕敢不再拜伏謁以致其高山景行之思惟公之靈尚克臨鑒謹告

謁濂溪先生祝文 朱元晦

敢昭告於故知軍事濂溪先生周公惟先生道學淵懿得傳於天上繼孔顏下啓程氏使當世學者得見聖賢於千載之上如聞其聲如覩其容授受服行措諸事業傳諸永久而不失其正其功烈之盛蓋自孟氏以來未始有也某欽誦遺編敬啓蒙吝茲焉試郡又得嗣守條教於百有餘年之後是用式嚴貌像作廟學宮并以明道先生程公伊川先生程公配伸從享惟先生之靈實鑒之

謁韓文公祝文 葛謙白

公以勁節忠操為唐名臣由刑部侍郎貶潮移袁祭

神之章告至之表載在方冊讀者竦然頃者備數貳  
卿以罪去國天子不終棄俾守茲土視印之始其敢  
不供拜祠下尚享

謁狄仁傑廟祝文

秦少游

惟公昔以盛德為唐名臣嘗刺此州風流具存越王  
之禍玉石俱焚二千餘人賴公獲免宜千萬年血食  
茲土豫之子孫報仰何窮舊祠迫隘不稱明靈爰築  
新室以安貌像敢涓時日薦告於庭

謁李愬廟祝文

秦少游

唐之中葉盜據此方歲行四方宮天誅不訖公時衛命

實帥西師此破姦巢市不易肆地永遺種化為平民  
公於蔡人厥功懋矣廟食雖久棟宇穿頽易而新之得  
是亢爽千秋萬歲公其安焉

辭昌黎伯祝文

黃秦之

惟潮為海濱之鄒魯惟公為潮人之夫子驅除異物  
用蕃厥生矯揉陋習挈之禮樂庶而教之功至於今  
不泯也某備員此邦惟流風餘澤是承朝廷不以其  
不才而賜之收召豈非陰有以扶掖之耶酌酒祠庭  
再拜歸貺願公卒惠相

鄉食  
春賽祝文

汪彥章

國之大事在祀為先雨露既濡仲春在候率循常典  
徧於群神惟神之靈功在社稷用涓吉日祇薦庶羞  
冀闡鴻秋私俾民受福雨暘順序不違農時指日秋成  
報其敢後

秋賽祝文

汪彥章

國事之大祀典為先有德在民稱情立禮霜露始降  
律惟仲秋歲有常儀敢忘歸報惟神廟食是土恃民  
為尊民社既安神祠亦永秋成在望雨暘失時冀顯  
靈通以福黎庶

秋祭諸廟祝文

汪彥章

封提千里維民所止神實庇焉春秋匪懈享祀不忘  
吏實主焉况夫典禮守戒祀事式遵走羣司以致誠  
哀百靈而時對蓋將有禱於上下神祇矣今三秋載  
戢載肅萬寶將成精意以享必潔必豐諒應其求者  
必在乎冥冥之中恭惟明神血食廟社亦既有年斯  
民奉祀久而益謹巫祝所告神其鑒之尚享

省祀祝文

崔德符

維神有德有功維國有祈有報著在甲令率為舊章  
時維仲秋歲脩祀事犧牲肥碩籩豆靜嘉神其居歆  
庶無罪悔

祭勾芒神祝文

日窮於次歲事肇興爰卜土牛以送寒氣惟神佐成  
震治於民有功敢稽禮經用脩常祀

秋祭祝文

張欽夫

茲以素秋恪脩常事在禮所當報而不祈惟是仲秋  
以來久愆雨澤今稻之傷者雖不及事然土壤堅燥  
澤氣不升寔預懷嗣歲之慮敢因以請早賜甘澤兆開  
豐穰實惟神之休

社壇祝文

張欽夫

敢昭告於社稷之神某被命來守此邦政有關謬願  
降災於厥躬而無以疵癘於斯民惟明神實照臨之

社壇祝文

張欽夫

惟雨暘寒煖之時與不時雖司乎神而實係於人之  
為某以不敏來守此邦懼知慮有所弗逮惟神寬之  
至其自作之愆則願降罰於身而無以傷乎民則惟  
神之明

祭稷神祝文

張欽夫

惟稷有神司我下土幹旋生育功用莫禦

楚望祭名山大川祝文

張欽夫

名山大川神靈莫測望祀之典敢不敬恭肇始二壇

用伸祈報惟神歆格佑我下民俾雨暘若時歲事登濟罔有蓄害以闡神之休惟吏謹當率民奉事自今以往終古無斁

祭烏龍山神祝文

張欽夫

竊惟古者諸侯各祭境內之山川嚴其壇壝潔其幣牲以致吾誠焉耳後世立之棟宇設為像貌其失甚矣仁安之山實鎮茲土風雲變化雨後我百穀是惟神靈民所倚賴而禱祀之所曠然未講其何以收聚誠意克有感通肇始知壇亦既訖事謹率僚屬再拜以祀惟神昭相俾雨暘以時嘉生無癘吏雖不敏敢不

率民敬事永以無替亦惟神之休

祭勾芒神祝文

張欽夫

惟時新春陽氣肇舒乃出土牛以首農事致祀於神實曰奠典惟神孚佑時其雨暘順乃嘉生賜以豐年其敢忘神之德

祭海陽山祝文

張欽夫

嗚呼海陽之山呼吸雲氣雖邦之望而民所恃嗟嗟晚稼亦既成穗屬時驕陽垂成莫遂惟神至仁矜此憔悴觸石膚寸一境是庇沛為甘澤成我豐歲享於下民永答神惠

祭諸廟祝文

惟茲稼穡幸底有年戴神之休敢忘思報謹以季秋  
聿脩常事惟神鑒臨終惠賜之

祭灑江堯山祝文

在禮諸侯得祭其境內之山川惟山川之靈能出雲  
雨故為禱祀之所依堯山灑江此邦之望也而壇壝  
未立脩敬無所茲以夏秋之交近旬不雨農夫望歲  
之切用敢瞻一望再拜以致悃誠且遣官僚奉祀以  
告伏惟神靈惠孚沛為甘澤俾克有年圖報之脩其  
敢復後

秋祭堯山祝文

張欽夫

茲以祭<sup>季</sup>秋萬寶告成謹遣官僚敬脩常事仰惟神靈  
賜以鑒格

祭北岳祝文

竹隱畸士

節屆長瀛時當化養萬彙繁祉百嘉阜享祇薦豐盛  
敬脩常祀維帝秉德奠茲朔方方冀臻<sup>潤</sup>澤之調懋相  
恢台之序庸有昭報敢忘吉蠲

祭北岳諸神祝文

天以神筮寶玉付畀皇帝是用祇栗不敢寧康躬臨會  
朝膺受顯命推<sup>美</sup>命弗有歸功百神深詔有司肅致明

祀惟帝昨國協於休祥敬脩苾芬祇報靈祐益茂厥福用永相於皇家

春祈諸廟祝文

三時務農四日舉趾於彼新田以我覃耜神其格思民則勞止如茨如梁為酒為醴迄用康年奄觀銍艾

秋報諸廟祝文

秋既成矣穀既登矣民得以寧其婦子而吏得以豐其糗盛者皆神之休也敬再拜受賜

視社祝文

朱元晦

叨被恩除假守茲土載惟社稷民命所依祇率故常

按行封壇用嚴國典式對神庥謹告

夏祈北岳祝文

竹隱畸士

惟帝宅此冀方惠於朔土威德之溥人民俱依吏祇厥常祭弗敢怠在夏曰假於時為亨敬饗嘉粟之誠用介長羸之祉

秋祭祝文

日者天子閔仁元元申嚴賞誅購捕螟螣郡縣協恭吏民趨令除治勦絕既無孑遺矣今秋既垂成稻將畢列夫人張頤以俟粒食乃聞遺種復煽淮右是用憂粟悼懼不遑寧居謹飭官屬奠幣於祠下惟神惠

及庶物惠流一方指顧擊呻可攝妖孽願資陰德之

靈以得秋祀報以惠功宜有報吏不敢忘張欽夫

茲以季秋萬寧城隍廟祝文遣官僚敬脩常事仰惟神靈賜以鑒格

惟神血食茲土垂庇一方無疵癘民用寧謐凡牧民  
之吏弗壞厥職亦惟扶持安全之賜也某備員郡事  
半載奉神之禮缺焉若疎至於體神之意以惠恤疲  
疇剔除弊事朝夕誠不敢不少怠今茲甘雨時若年穀兆  
豐匪神之澤而誰為遷若海寇授首官軍奏勳垂敗  
而成幾危而捷寧非威靈所暨乎酌酒薦牲聊以鼓  
舞乎神之賜惟神其終惠之

秋報北岳諸神祝文

竹隱畸士

惟民終歲勤動以獲有秋乃克粒食今雨暘時若百  
穀順成欽神之休不敢違處祇率禮典肆昭報

祭河祝文

四瀆之大以河為宗古之諸侯祭不越境今以早暵之  
故禱於群神吏罪其多雨不時降意者非名山大川  
能出雲雨以澤下民者疇克救之瀛之為州在河之  
浹澗禮寔可祭義不為諸守郡之寄不獲以躬謹遣上佐  
具嚴祀事冀推一勺之潤以蘇千里之民

祭江祝文

汪彥章

惟神以海為宗王百谷也電霧風雷氣停蓄也曰雨  
曰暘相民欲也鞭笞羣龍起潛伏也方春敷榮俟嘉  
沫也胡為陰陽戾盈縮也水漸既融潮未復也戢然千  
艘一尾銜屬也聖人中天世司牧也一夫沮飢為嘯  
戩也貌貅萬屯懼枵腹也神靈忍予倦揮沃也噓呵  
起難費升翁也詔恩臨祠奉牲玉也尚勅驅雲師貺露  
足也繫邦是圖匪私瀆也

迎神祈年祝文

竹隱畸士

維仲之春既播厥穀雖具宣於民力實仰繫於天時  
苟風雨之其調庶茨京之可待神將有報吏不敢忘

立春祭勾芒神祝文

方春載陽土脈道發耕者將作既戒乃事維神司木  
實佑我民恭薦嘉牲以介靈祐

立春祭勾芒神祝文

方歲之春倣載南畝惟爾有神相我稼穡事既敬既戒  
神其佑之

獲管賊祭廟祝文

秦少游

乃者羣盜竊發剽劫閭里游魂疆場境內騷然賴神  
威靈成伏其辜鯨鯢既殲民以休靖敢以牲酒用答神庥

興脩祭告

告成堯山瀕江壇祝文

張欽夫

惟江山之神寔為此邦之所瞻依而壇壝禱祀無所  
其用是懼爰度高明之地肇新規模及茲而成謹率  
官僚俯伏以告惟神孚鑒佑苾下民俾歲屢豐物無疵  
厲吏當率民敬事其永無斁

立嚴子陵祠祝文

竊惟此邦之所以重於天下者以先生高風之所存  
也雖舊隱之地祠像其設而學宮之中烝嘗獨曠其  
何以慰學士大夫之思乃闢東偏肇始祀事嗟乎世  
遠道散寵利相希而事君之義益以不明惟先生曾  
不以一毫動其中啓世祖貴德尊士之心成東京砥  
節礪行之俗流澤遠矣繫我多士克承繹之

立三公祠祝文

某敬即辰良遷祠茲宇而肇祀嚴先生於東偏二祠  
屹然相望百世之下知所景慕矣惟廣平宋公亦嘗  
來牧今求遺像欲列為四公而未獲也敢先以此告  
上梁祭土地祝文  
晁无咎  
某自郊坰改宅邑廛既告於神矣以日之吉架梁於  
其宇不遠之復自其素心將休老此境尚克永康以  
裕其子孫方久事神惟神其祐之

脩城祭土地祝文

曾子固

州有帝命繕治城墉得日之良嘯工始事斯人永賴  
維爾土神尚其降休敢不以告

開西湖告廟祝文

蘇子瞻

杭之西湖如人之有目湖生菱葑如日之有翳翳久  
不治目亦將廢河渠有膠舟之苦鱗介失漏網之患  
大池化為管井而千頃無復豐歲矣是用因賑恤之餘  
資興開鑿之利勢百日奏功所患者淫雨千夫在野  
所憂者疾癘庶神明之陰相與神謀而協濟魚龍前  
道以破堅菰蒲解折而迎銳復有唐之舊觀盡四山而  
為際澤斯民於無窮宜事神之益勵我將大合樂以  
為報豈徒用樽酒之薄祭也

脩城祭城隍祝文

築城大役官吏暴露歲月滋勤役愆於素窘以陰雨  
穴以蛇鼠成者或墮致力無所城以保民寔神之職  
寧忍視此不施以德驅此陰沴廓以晴曦為城害者  
揮而去之母重勞人版築程——無或後艱一  
成不傾惠自神賜功由神助官吏與民敢忘恭事

重隆北山趙侯廟祝文

趙德莊

越人尚鬼而信巫巫益誕鬼益淫則金錢爭趨棟宇  
翼如有若神之聰明正直不驚動禍福之則廟像祀

然而不顧神能容而安之神之所以為神也與茲以  
長良欽用丹壘以奉神之賢以示民之正以毋墮天  
子之命祀敢告

脩造祭告祝文

竹隱畸士

鳩工有傲兀事惟寅具嚴涓日之良用謹前期之告  
仰惟昭假俯賜鑒知

習是齋祭齋牌祝文

黃泰之

齋牌有祭其來舊矣以祭為不足信耶則祓禳之說  
無據以祭為足信耶進脩之效無取吾齋固無俟乎  
祓禳也而亦未嘗嘗於進脩惟神其勇相之  
祈雨謝雨祈晴謝晴祈雪謝雪蝗

祈雨祝文

張欽夫

春且盡矣民將蒔田而時雨少靳土膏不滋歲事所  
係甚重是用奔走控告神明伏惟矜憐沛而甘澤周  
遍洽浹克濟南畝寔惟神休吏之不恭敢不循省

祈雨祝文

服嶺以南土剛而農情春夏之交數日不雨已或告  
病求神惟瀆理不容緩伏惟矜惠下民早沛甘澤周  
及四境俾克大濟豐年之報敢不敬脩

祈雨祝文

惟今之歲賴神之休早秔既獲矣而彌旬不雨禾之

晚者秀而未寔一簣之功正在茲日是用奔走檄告  
沛澤之賜惟神終惠之

祈雨祝文

惟茲晚稼既視其生長以至於今亦且穗矣必待一  
雨之沛而後成寔乃或靳焉害於垂成惟神之仁獨  
不矜此豈人事有以干陰陽之和與政有不平刑有  
不中驕怠之或萌寔長民者之責惟民之寡弱獨何  
與此盍降罰於吏而無苦其民今茲一日不雨則有  
一日之傷事既迫矣號呼於神惟神其哀念之

祈雨祝文

汪彥章

常暘從夏酷毒異常庚伏既終秋後奇暑旱魃為虐  
農人是憂日望雲霓以蘇南畝承流之寄敢怠懇祈  
潤澤焦枯亦神之職惟神聰明正直依人伏願咳唾  
雲雷散施膏澤秋成不日疵癘潛消稼穡豐登公私  
並濟吏寬其責神亦何羞倘神有靈烏敢忘報

祈雨祝文

崔德符

自冬徂夏七月不雨困蘊隆也斬其鴛鴦囚其蜥蜴  
號青童也商羊不舞執狢將見召螟虫也涸水出精  
禿妓呈怪歲且凶也南北萬里孰塞湘穴而泥江楓  
也得大總持役使鬼神無不空也維神之隅峰嶺雜

沓駭龍嶽也太山之巔百泉所壑龍所宮也挹彼注  
茲迺其餘波乞靈於龍也綵輿寶餅萬首相差戴而  
東也層幢累幡摩霄擾雲飄緋紅也仙歌佛典<sub>曲</sub>啁轟  
嘈<sub>贊</sub>噉亂鼓鐘也將迎奔走丁壯婦女洎姑翁也足靴  
手板膺喘背汗吏<sub>婦</sub>窮也駢揖羅拜首下投杵而腰  
彎弓也我方下帷側脇而寐休病瘥也不隨父老俯  
伏塵土愧形於容也乃夢道士素衣烏襪而掬簡於  
胸也寢門之左挺然植立闔扉迺逢也縹紙聖書經云  
龍樹其別我<sub>之</sub>擊也矍然而興擎拳作禮以致吾恭也  
龍其馳驅<sub>駢</sub>駢而號令豐隆也禾麻菽麥黍稷稻粱  
將再見其芄芄也載<sub>之</sub>載穫娣姒歡呼簸且舂也四  
民一飽神不乏祀<sub>正</sub>賦得以供也牲牢肥碩俎其肩  
尻以報龍功也

祈雨請水祝文

歲既薦飢春仍不雨禱於羣<sub>神</sub>臣靡愛牲幣休應雖格  
膏澤未周欽聞名山大庇於土有答如饗無感弗通  
用涓穀辰遠致誠請<sub>願</sub>為七日之期以旬盈尺之潤當  
具顯烈請命於朝不惟吏民膺受多福而神之潛德  
自是而彰聞<sub>而</sub>不偉與

祈雨祝文

東南之利秬稻是資畚鍤布以雲興溝澮分而綺錯  
泉流不竭膏澤以時庶幾有秋可以無事方茲徂暑  
乃復亢陽火雲蔚以峰奇田背枯而龜坼惟民與吏  
悼心失圖感額興嗟搏手無計念慘舒之所係惟變  
化之所司俯瀝懇誠仰祈昭鑒沛然一雨以洗羣憂

祈雨祝文

歲既薦飢春仍不雨人心凜凜望在朝夕陰雖積而  
陽未和雲已密而驟風至意者吏有大罪無以媚於  
神神不得而救之與雖然赤子將隕於溝中非神其  
孰能拯之也恐懼呼嗟以贖神聽惟神其念之

祈雨祝文

維吏無善狀以干致治之和故民有凶年罹此旱暵  
之虐閱三時而不時盡四月而無雷祇騰烟火之雲  
但鬱塵沙之霧草萎地赤木槁山頽萬室皆空四民  
相食內外震斃靡所依投是用載講仙科爰陳醮席  
仰天昏閣而請命望霄漢以敷陳伏冀曲軫天意興哀  
下土大誅旱母黑雲呈千日之祥盡起毒龍白雨見  
蔽山而下沛然三日活此一方

祈雨請龍祝文

許仲啓

潭洞阻絕靈君所宅簸弄明月司是霽驛若歲秋旱

有請必獲風馬雲車從以霹靂一穗之香三日之澤  
民不敢忘不億不逆其來孔昭其去則蹟仙兮神兮  
莫我而測戊申閔雨上意斯赫蒙福京師先此疆場  
迎之致敬里數十百蛇蛻魚服惠然我即願幹元氣  
崑崙旁礴散為甘霖洗此炎燂高黍下稌晚稂早植  
均被沾丐拳拳蕤蕤序乃錢鏞是刈是穡是登是納  
倉廩維億潛躍自如靈有德色鏡鼓寅錢自古在昔  
請太湖山聖幡祈雨祝文 竹隱畸士  
善救之恩初無遠近由衷之懇豈隔微賤焦然枯槁  
之民仰止慈雲之宇投誠而請踧立以須伏願至感

旁通深仁默應龍神受命隨旆影以俱來雲雨奏功  
滿農心而各足

### 祈雨祝文

江湖之左皆灌溉之田黟歎之間多仰高之地山林  
水淺土瘠民勞雨纔曠於浹旬食頗憂於終歲丐求  
餘潤謁款諸祠惟神宅據幽遐職司變化飛天潛地  
固恍惚以難名嘆雨吹風宜須臾而可致冀蒙霑渥  
以解怨咨

### 祈雨請聖水祝文

乃者以旱乾之憂乞靈於神使者出郭雨乃驟至是

神之有大惠於斯人也今猶不入土螾滕將興民待  
一雨以蘇溝壑之命謹遣官屬赴愬祠下願為七日  
之期以申前約休應昭格其敢食言當聞於朝以請  
爵命之寵惟神其幸聽之

四月二十二日校

聖宋名賢五百家播芳大全文粹卷八十四